

Fakamalamalama o te tafapili o na tino ki he tino kua maua i te KOVITI-19 (Vaega 3 o te Omicron)

Fakamatalaga Fou na faia i te aho 24 o Fepuali ma te Taimi



Heā te kehekehega o he tino kua maua i te famai ma: te kāiga o he tino kua maua i te famai?

Tino kua maua: He tino kua mautinoa i tana hiakiga kua maua i te KOVITI-19.

Kāiga o he tino kua maua: Ko na tino e nonofo fakatahi ma he tino kua maua i te famai.

He tino faigaluega tāua: Ko he tino e faigaluega mo he tautuaga tāua pe he fakalapopotoga. E aofaki ai na hupamaketi, ola mālōlō ma na tautuaga mo na fakalavelave fakafuaheki, auala o femalagaakiga ma na tino e faigaluega i na fale e laku mai ai na hapalai a na koloa.

Ko na tino nae tafapili ki he tino kua maua, na tino e hohoko mai ki ei ka kua hē afaina i na fakatapuāga o te KOVITI-19, KAE ko koe e tatau ke matau na āuga e ke maua ma fai ho hiakiga kafai e fakalogo ko koe kua kamata tauale



I te Vaega 3 i te Tautali atu ki te Omicron, ko te kautu o na hiakiga e fakaaogā te Rapid Antigen Testing (RAT). E mafai ke maua e koe na hiakiga ienei RAT ma te PCR (hukega e fai i te ihu) e hēai he totogi mai na Community Testing Centres pe ko tau Fomai. I lalo o te Vaega 3, ka mafai foki ke fakatau e koe mai na faletalavai ma na falekoloa.